

آبونه شرائطی

داخلی، خارجی، هریرایچون
سنه لکی (۲۵۰)، آلتی آیلنی

(۱۳۰) غروشدر .

نسخه سی ۵ غروش ،

سنه لکی ۵۲ نسخه در

اداره خانه

باب عالی جاده سنده دائره مخصوصه

اخطارات

آبونه بدلی بدهندر

مسئله، وفاق آثار مع المنونیه

قبول اولنور : درج ایدلهین

یازیلر احاده اولونماز

واقفه یهدی من یشاء الی صراط مستقیم

محمد عاکف

اشرف اربیب

اتبعون اهدکم سبیل الرشاد

کتابخانه

سازمان

دینی ، فلسفی ، علمی ، ادبی ، سیاسی هفته لق مجموعه اسلامیه در

باش محرر
صاحب و مدیر مسئول

۱۴ جمادی الاولی ۱۳۳۸

پنجشنبه

۵ شباط ۱۲۳۶

جلد ۱۸

عدد : ۴۵۷

اخطارات

ادرس تبه یلنده آیریجه بیلی

غروش کوندولیدر

مکتوبلرک امضالری واضح

واوقوناقلی اولسی و آبونه صره

نومروسی مهنوی بولنسی

لازمدر

ممالک اجنیه ایچون آبونه اولانلرک

آدرسلرینک فرانسزجه ده یازلسی

رجا اولنور

یازده کوندولیدکی زمان نهیه دائر

اولدهی واضحاً بیلدیرلسی

رجا اولنور

حبله کارلر حبله بی کتاب و سنتدن ، صحابه نك اقوالندن استخراج ایتدکری سویلرلر . بونلرک اگ قوتلی دلیلی : حضرت ایوبک زوجہ سنی یوز ضربه ایله تجزیه ایتک ایچون بین ایتسی اوزرینه یوز عصائی برآرہ طوبلا یوب اونکلر بر تک ضربه ایندیردیکی حالده ییندی یرینه

کتیرمش اوله جفی حقنده واقع اولان مساعده در . بوندن ماعدا حضرت یوسفک برادرینک دنکنه کندی کیله سنی قویارق اولی نزدنده آیقویغه توسل ایتسی بر دلیل اوله رق در میان ایدرلر .

بحث پنجمه دی
عبدالعزیز چاویش

عالم اسلامده اسباب اعتلا انحطاط

- ۳ -

دین جلیل محمدی معالی اخلاقیه نك مجموعه کلا تیدر ، دیمش ایدک . بو بر بر حقیقت محضه در .

جاهلینک طوفان مفسدی آره سنده طوفان بو دین جلیل سینات زمانیه ایله دمکذار اولان طبایع متنسخه اصحابی او درجه عالی ، او درجه انسانیتکارانه محاسن نفسیه ایله ترین و تذهیب ایلشدرکه تصحیح اخلاقده تغیر ماهیت ایدرجه سینه کوستردیکی قدرت عظیمه بو کونه نسبتله محالات عادیه دندر .

محاسن اخلاقیه نك او زمان نفوس صحابه ده خلق و ابداع ایتدیکی علویت صحیحه فکریه ، معنوی بر ضابطه و وظیفه سنی ایفا ایتش و بشریت آره سنده پولیسسز و زاندارماسز منکرات اجتماعیه نك وجودینه امکاف بر اقامشدر . او محیطک تربیتکرده سی اولان فکر بشرک اگ اهمیتلی اشتغالاتی خیرات و حسناتده مسابقه افعالندن عبارت ایدی .

آره صره آنارینی ابرازدن خالی قلیسان (نفاق) لک حکمسز قالان ظهوراتی دخی اولسه ایدی بشریتک او دورده ده ملکیت تامه یه انقلاب ایتدیکنه حکم ایتک لازم کلیردی .

خلقت آدم دنبری نا محدود استحاله لردن کچن افکار بشرک دین جلیل اسلامک ظهورنده کوستردیکی تحولات سریعه افکارده اولدینی کبی اخلاقده دخی تبدیل و تبدلک جوازینه برهن قاطعدر .

انسان حقیقته قوای مکتسبه علمیه سندن عبارت اولغله و قوف و اطلاعنک تبدیلیه افکار و اخلاقی دکل ، ماهیتی بیله تبدل ایتش اولور . شو حالده تبدیل اخلاق ممکن دکلدرد ، دینلرک مدعیاتی پک و اهیدر . خلاصه ، بعث نبویه ایله شعشمه باش ظهور اولان معالی اخلاقیه نك انواری ، دائرة ارشاد نبویه ده زانوزن اتعاظ اولان صحابه کرامک قلوبی او درجه ده تنور ایتشیدی که بو فیض سرشار کالات اولانلرک هر بریسی بر نجم منیر عرفان اوله رق محیط بشرتی تنورده مستعد بر حاله کلشیدی .

ایشته بالحاصه بو سببه مینیدر که جزیره العربک یالچین قیلری ، قیزغین قوملری آره سندن طوفان شمس اسلام آفریقانک سواحل الذهبه ، آسیانک هندستان سواحلنه قدر اوتوز سنه ده انتشار ایتشیدی . بو نور معنوینک برآز صکره آفریقادن آوروپا یه وسائر افکار جهانه سرعتله صحرامسی عاداتا ضیای مادینک فضا ده کی سرعت سیرینه نظیره تشکیل ایدیوردی .

ظهور اسلامک مبادیسنده تحوالت ایدن بر مسئله مؤسسه جای حصول بولامش اولسه ایدی اسلامیتک یاریم عصر ایچنده بوتون اقطار جهانی احاطه ایتسی اگ ممکن الحصول مسائلدن ایدی .

یزجه تعالی اسلام خصوصنده بیک اوچوز کسور سنه لک مد و جذر حادثاتنک عوامل اصلیه سی ، بوتون مسائل اخلاقیه در .

فضائل انسانیه و کالات بشریه نك زبده سی اولان اخلاق اسلامیه بجلا ی ظهورنده کی علوی شرفی نه درجه محافظه ایتش ایسه او درجه ده آثار ترقی کوسترمش و اصل جلیله نسبتله اولان نقایصی درجه سنده انحطاط تولید ایلشدر .

بونک اگ بارز مثالی اندلسدر . قطعه مذکوره معالی اسلامیه و فضایح اخلاقیه نك هر ایکسینه جلوه کاه ظهور اولشدر . هجرتک برنجی عصری او اخرینه طوغری محاسن اسلامیه و معالی بشریه سلاحلریله مجهز اولان جیوش کالات ، بشریتک رهبریوضات اخلاقیه سی اوله رق او قطعه محتمشه یه کیردکلری زمان ، قطعه نك سرمستان سفاهتی خواب غفلنده ایدی .

ملکتلرینک لوازم عرفانیه و کالات انسانیه ده کی نقایصی کوره بیله جک اصحاب بصیرته مالک دکل ایدیلر . خارجدن کلن و نقایص بشریه یی اصلاحه مأمور بولنان اسلام اردولرینه سرفرو ایتک مجبور اولدیلر . ماده ضیاعه ، معنأ ربخ عظیمه نائل اولدیلر .

چونکه کلن اردونک دستور حرکتی عدالت ، نقوش رایاتی محاسن اخلاق بشریت ایدی .

بو قوم جدید علویتک او قطعه یه دخولی ، عمران بلادی ، رفاه عبادی استلزام ایتدی . بر حالده که امنیت عمومی قطعه نك الک هجری کوشه لرنده دخی جاری و انوار معارف هر طرفه ساری ایدی . بر حالده که هر بلده بردار الفنون کالات شکلنه کیرمش ایدی . او عرفانیله ، او کالاتیله ، او اداره عادلانه سیله عالم ایچون قبله معارف اولمش ایدی . حتی آوروپا صنایع جدیده سنه مهد ظهور اولدی . عصر لرجه دوام ایدن بوتوقیاتک بوتون عامل اصلی و سبب حقیقیسی محاسن اخلاقیه ایدی . او محاسنه ، او معالی یه وهن و خلل طاری اولنجه هر طرفدن انحطاط یوز کوسترمه ک باشلادی . او قوه اسلامیه اوراده ابداع ایتدیکی (الحمرأ) لری ساحه انهمانده و تأثرات عمیقہ یی تاریخ و قوطاننده برافرق اضمحلاله او غمرادی .

غرائق مسئله سی حقنه

دارالحکمة الاسلامیه اعضا سندن راسم افندیك خطای عظیمی (۱)

- ۳ -

غرائق قصه سی نقد و عقود مردود

دها صکره قاضی عیاض بروجه آتی مطالعاته دوام ایدیور :
« جناب پیغمبر صلی الله علیه وسلمک عصمتی ، وشو رذیله دن نزاهتی
اوزرینه حجت قائم اولمش ، امت ده بونده اجماع ایله مش در . برکه حضرت
پیغمبرک آله مشرکینک مدحنی متضمن آیت نازل اولسی تمیسنده بولونسی
کفر در . شیطانک قلب بی حاکم اوله رق قرآدن اولیان شیئی قرآدن
کبی کوسترمسی وجبرائیل علیه السلام خبر ویرنجیه قدر جناب نبی نک
القاء شیطانی بی فرق وتمیز ایده مبرک وحی الهی اعتقاد ایله مسی کبی
هذیانک هسی ده حق پیغمبریده تمتع در . جانب الیه دن اولدینی حاله
عمداً کندیسنک بوسوزلری سولسی ده کفر در ، افتراء علی الیه در . سهواً
سویله مش اولسی ده جائز دکدر . چونکه جناب نبی بونلرک هیسندن
معصوم در . پیغمبریمزک لسانی ویاقلی اوزرینه کرک قصداً کرک سهواً کفر

(۱) غرائق حقنه برنجی مقاله منری بازار ایکن خواجه راسم افندی نک
بوخطای عظیمی آکلایه رق اعتراف قصور ایده چکی امیدنی اظهار ایتمش ایکن .
فی الحقیقه برنجی مقاله منر انتقاد ایوب ده ایکنجیسی مطبعه یه ویرلدیکی ائناه
۲۰ کالون ثانی سنه ۳۳۶ تاریخلی علمدار غزته سنده خواجه راسم افندی نک
اعتراف واستغفارینی او قودق .

خواجه راسم افندی نک اولکی مقاله سنده کی ماده لری قصه معهوده قبول
ایلدیکجه سوره مجده کی آیتلرک توفیق ایله یه چکی طرزنده ایدی . کندیسی
توفیق ایده مدیک کبی ، محققین مفسرین طرفندن یاپیلان توجیهی ده آکلایه مدیفنی
سویلدوردی . صولک مقاله سنده ایسه یامش اولدینی خطای عظیمه مطلع
اولدینی اعتراف ایله روحانیت نبویه دن عفورل استعطاف ایدیور .

معافییه راسم افندی نک اعتراف واستغفار ایله بزم وظیفه منر بیتمش
دکل در . بز مسئله نک هرجهتی تحقیق ایده چکزی اولجه وعد ایتمش اولدینمز
جهتله وظیفه منر دوام ایده چکز .

راسم افندی نک اعتراف خطا واستغفانی

اجله ناقدین قصه غرائق کعدم نبوتی بیان ایله مش وسیر نبویه بی تمایله
یازمش اولان محمد ابن اسحق قصه نک زنادقه طرفندن موضوع اولدینی سویله مش
وسوره مجده کی آیتلرک انزالی شیطانک اولیاسنه القاشبه ایله مسی و اوشبه لوله
اولیای شیطانک حضرت پیغمبره فارشی مجادله یه قیام ایتسی اوزرینه قلب
رسالتینا منریه عارض اولان حزنی ازاله ایچین اولدینی مفسرین کرام حضرتانی
بر تفصیل بیان ایله مش اولدیننه اخیراً مطلع اولدیندن اولجه یازمش اولدینم
مقاله نک طار بر زمانده آزر مطالعه ایله یازمش اولدینی اخطار ایله اعتذار و مجاهدین
بری طرفندن سویله نیلش اولان : « لبس الحال علیه السلام للتأدیب حیث تمی
ایمان الكل - وحرص علیه ولم یکن مراد الله تعالى » قولنه استناداً افضل الانبیا
(ص م) افندی منر هر نصله زله نسبت ایله مش بولوندیمندن طولای مع التأسف
زله نک کندیمن سادر اولمش اولدینی اعتراف و روحانیت نبویه دن عفورل استعطاف
ایلم .

چونکه بالفرض والتقدير وقعة معهوده ثابت اولسه بیله شان رسول نقابین
ینه زله شایبه سندن بریدر . زیرا تمی ایمان کل ، زله دکل ، بلکه بر فضیلتدر .

احمد راسم عونی

عالم اسلامک ساحه غریبه سنده طلوع وافولی تصویر ایدن بومثالک
بر شکل دیکری ده ساحه شرقیه سنده رونما اولمش در .

(الجزیره) نک صحاری واسعة فیض وبرکتی ایکی طرفندن تمیه
ایچون قوجاقلایان ایکی نهر عظیمک ساحه زراعتنده تأسیس حکومت
ایدن (عباسیلر) دجله نک ساحل احتشامنده بنا ایدیلن (زورا) بلده
طیبه سنی مفر سلطنت اتخاذ ایتدکری زمان ، ینه معالی اسلامیه و محاسن
اخلاقیه دستور حرکت ایدی .

بو دستور علویت سایه سنده اوقطعه فیضناک اولیله بر حال تکمله
واصل اولمش ایدی که سماندن بشقه غیر مزروع ساحه سی قالمش و ۴۰
مليون نفوسک دبدبه کاه سعادت ، مفر مدینتی اولمش ایدی .

جامعه اسلامیه نک مرکز مبجلی اولان زورا (بغداد) جهانک
برکتبخانه کالی و شرقک کعبه اقبال و آمالی طانمش ایدی .

ایم اقبال واجلانده دائره اخلاقه فساد و وقایان ملتر زوالدن
مصوندر ، دستوری اک چوق عقلای اسلامیه نک بیلدیکی اساسات
علویه دن اولدینی حاله بو اساسه (حکومت عباسیه) رجالی مراعاة
ایده مدی .

مولد الرذائل اولان (سفاقت) اخلاق فاضله بی تخریبه باشلادی .

اجراآت حکومت دساتیر علویه یه ناموافق بر شکل آلدی .

فساد اخلاق ابن عاقبه لر طوغوردی . اقصای شرقده ظهور
ایدن طوفان مجوسیتک پیشگاه استیلاسنده طوران حکومت اسلامیه نک
توحید قواسنه مرکزک اهتمام نامی اقتضا ایدرکن حکومت مذکورده نک
یکدیگریله بوغوشمس بی طرفانه تماشا ایلدی .

اصول جلیله اسلامک اهمال ایدلسی مجازات عظیمه یه بادی اولدی .
اقصای شرقدن قویان طوفان عظیم اوکنده کی متفرق قوتلری اعما
ایده ایده تا بغدادک دلنشین کاشانه لرینه قدر کلدی طایاندی . اوراده
سنه لرک محصول مساعی تمدنی اولان آمار عالیه تخریب و دجله دماء
معصومه بشریتله تلون ایلدی . بونلرک هسی فساد اخلاقک جزای
سزاسی ایدی . (عمر بن الخطاب) ک اون سنه لک بر مدت وجیزه ده
شهر عنوانه لایق بیک بلده یه رکز لوای ظفر ایتسی و مکدن چیقان
اردوسنک ماوراء النهرده باب الا بوا بدن کچرک هندستانه کیرمسی اصول
واخلاق اسلامیه ده کی یکتالغنه محمول اولدینی کبی حکومت عباسیه نک
فلاکت معروضه سی دخی عکس قضیه یه تابیدر .

یالکنز انتظام ویا فساد اخلاقک منفعت و مضرتی عمومیه تابع بر
مسئله اولدیندن اصول غریبه جه بو بایده شرف و مسئولیتک اشخاص
محدوده دن زیاده انسال عصریه یه راجع اولسی اقتضا ایدر سه ده شرق
ایله غرب آره سنده کی تفاوت عمومی یه نظراً شرقده شرف و مسئولیت
اصراه توجیه اولنق قاعده در .

عبدالعزیز مجدی